

# WARSIDAHAD DOORASHADA



Guddiga Madaxabanaan ee  
Doorashooyinka Qaranka  
**Luulyo & Agoosto 2020**  
Warside Nuqulkii 6aad

WEB: [www.niec.so](http://www.niec.so) | MAIL: [info@niec.so](mailto:info@niec.so) | FACEBOOK & TWITTER: **NIECSomalia** | CIWAANKA: Villa Somalia, Mogadishu - Somalia



GMDQ oo Shahaadooyin Ku-meel-gaar ah Gudoonsiiyay 18 Xisbi Siyaasadeed

## **GMDQ oo Shahaadooyin Ku-meel-gaar ah Gudoonsiiyay 18 Xisbi Siyaasadeed**

Xaafiska Diiwaan-gelinta Xisbiyada Siyaasadda ee Guddiga Madaxa-bannaan ee Doorashooyinka Qaranka ayaa si Ku-meel-gaarka ah u diiwaan-geliyey 18 xisbi oo buuxiyey shuruudihii looga baahnaa oo dhan intii u dhaxeysay bishii Luuliyo iyo Agoosto.

GMDQ oo raacaya tilmaamaha iyo taloooyinka Wasaarada Caafimaadka ee Cudurka Saf-marka ah ee Covid-19 ayaa 8 xisbi ku siiyey shahaadooyin ku-meel-gaar ah qaab online ah 1da Luuliyo, iya-doo oo uu GMDQ adeegsaday aaladda ZOOM-ka. Guddoomiyaha Guddiga Madaxabanaan ee Doorashooyinka Qaranka Xaliima Ismaaciil iyo Diiwaan-geliyaha Xisbiyada Siyaasadda, Maxamed Cumar Axmed Xaydara ayaa ka qey-galay munaasabadda xisbiyada lagu gundoonsiiyay shahaadada ku meel-gaarka ah.

Gudoomiyaha ayaa kula dardaaranay Xisbiyada in ay ku dadaalaan sidii ay u noqon lahaayeen xisbi-

yo rasmi ah oo qaata shahaadada rasmiga ah, iyada oo si faahfaahsan ugu sharaxday waxyaabaha looga baahan yahay in ay la yimaadaan si ay ku noqdaan xisbiyo rasmi ah.

Munaasabad kale oo shahaadooyinka ku-meel-gaar ah lagu gundoonsiiyey 10 xisbi oo kale ayaa ka dhacday xarrunta dhewe ee GMDQ, 17kii Agoosto. Munaasabaden oo uu shir-gudoomiyey Xuseen Cabdi Aadan oo ah xubin ka mid ah GMDQ, ayaa sheegay in xisbiyadu yihiin habka kaliya ee lagu tartamo siyaasada, ayna lagama maarmaan tahay in xisbi kasta uu furto xaaifiisa, xiriir joogta ahna la yeesho Xaafiska Diiwaan-gelinta xisbiyada ee GMDQ. waxaa uuna kula dardaarmay in ay ilaaliyaa-na sharciga xisbiyada dalka.

Maxamed Cumar Xeydara oo ah Diiwaan-geliyaha Xisbiyada Siyaasadda oo soo dhaweynayey dhamaan xisbiyada cusub ayaa ku wargeliyey

### TUSMO

- **GMDQ oo Shahaadooyin Ku-meel-gaar ah Gudoonsiiyay 18 Xisbi Siyaasadeed**
- **GMDQ oo War-bixin Siiyay Ururada Bulshada Rayidka ah**
- **Guddoomiyaha GMDQ oo ka Qeyb-gashay Shir-weyne Caalami ah oo looga Dooday Saameyn ta Cudurka Covid-19 ku yeeshay Doorashooyinka soo socda**
- **GMDQ oo la Kulmay 70 Xisbi Siyaasadeed si looga Dodo Diyaar-garawga Doorashooyinka**
- **Aqalka Sare oo Ansixiyey Xubin Cusub oo ka mid Noqotay GMDQ**

in laga wada shaqeeyo siddi dalka doorashooyin dimuqraadi ah looga hirgelin lahaa 2020-2021. Xisbiyada la diiwaan-geliyey ilaa iyo hadda ayaa gaaraya 100 Xisbi.

18 xisbi ee qaatay shahaadada ku-meel-gaarka ah ayaa kala ah.

1. Xisbiga Bulshada Dimoqaardiga Soomaaliyeed
2. Xisbiga Nolosha iyo Cadaaladda
3. Xisbiga Walaalaha Midoobay
4. Xisbiga Tubta Horumarka iyo Nabadda
5. Xisbiga Isbahaysiga Mustaqbalka
6. Xisbiga Soomalinimo
7. Xisbiga Cadaaladda Horumarinta Dimoqraadiyadda iyo Isqadarinta
8. Xisbiga Badbaado Qaran
9. Xisbiga Wadaniga ee Israac
10. Xisbiga Isbedelka Dimoqraadiga ah
11. Xisbiga Hayaan
12. Xisbiga Dhulka Hooyo
13. Xisbiga Dhalinyarada Soomaaliyeed
14. Xisbiga Siyaasadeedka Hogaanshe
15. Xisbiga Astaan Qaran
16. Xisbiga Nabadda iyo Xallinta Khilaafaadka Soomaaliyeed
17. Xisbiga Dib-u-heshiisiinta iyo Horumarinta
18. Xisbiga Runta iyo Caddaaladda.



GMDQ oo Shahaadooyin Ku-meel-gaar ah Gudoonsiiyay  
18 Xisbi Siyaasadeed

## GMDQ oo War-bixin Siiyay

### Ururada Bulshada Rayidka ah

Talaado, 7 Luulyo, 2020: Guddiga Madaxabannaan ee Doorashooyinka Qaranka ayaa kulan xog-warran ah la yeeshay Ururada Bulshada Rayidka ah. Kulanka ayaa waxaa ka soo qeyb-galay xubno matalayay dhamaan dalladaha Bulshada Rayidka ee dalka. Arrimaha doorashooyinka iyo doorka Bulshada Rayidka ah ayaa si wanaagsan loogu lafa guray kulanka intii uu socday.

Guddoomiyaha GMDQ ayaa war-bixin dhameystirayn ka siisay Ururada bulshada dadaalkii Guddigu u soo maray hir-gelinta hawlaха doorashooyinka iyo dhamaystirka qorshaha hawl-galka geedi socodka doorashada ee loogu gudbi karo hannaanka tartanka xisbiyada badan ee dimuqraadiga ah.

Xubnaha Bulshada Rayidka ah ayaa bogaadiyay doorka Guddiga, isla markaana su'aalo ka weydiiyay taageerooyinka lagama maarmaanka u ah hirgelinta hawlaха u dhiman doorashada iyo sidii lagu heli karo. GMDQ ayaa hoosta ka xariiqay in hawsha doorashada ay tahay mas'uuliyyad wadareed ku hirgeli karta wadar-ogol loona baahan yahay in mas'uuliyyad la iska saaro sidii loo xaqijin lahaa doorasho xor iyo xalaal ah.

Gabagabada kulanka Ururada Bulshada Rayidka ayaa Guddiga uga mahad celiyay warbixinta islamar ahaantaana ballan qaaday in ay doorkooda ka qaataan u qareemidda xuquuqda dastuuriga ah ee muwaadinka. Guddiga iyo urrurada ayaa ku ballamay in ay yeeshaan kullamo joogto ah oo xog-iswaydaarsi kuna saabsan sidii dalka looga hirgelin lahaa doorashooyin xor iyo xalaal ah.



GMDQ oo War-bixin Siiyay Ururada Bulshada Rayidka ah

## Guddoomiyaha GMDQ oo ka Qeyb-gashay Shir-weyne Caalami ah oo looga dooday saameynta cudurka Covid 19 ku yeeshay doorashooyinka soo socda

Sabti, 11 Luuliyo, 2020: Guddoomiyaha Guddiga Madaxabannan ee Doorashooyinka Qaranka marwo Xaliimo Ismacil ayaa kaga qeyb-gashay aalada ismaqal aragga ee zoomka shir-weyne caalami ah oo looga hadlayay saameynta cudurka saf-marka ah ee COVID19 ku yeeshay tageerada caalamiga ee la siiyo Doorashooyinka.

Guddoomiyeye Xaliimo oo hadal ka jeedisay shirka ayaa ka war-bixisay saameynta cudurka COVID-19 ku yeeshay hannaanka diyaar-garowga Doorashooyinka Soomaaliya 2020/2021, iyo sidoo kale taageerada farsamo iyo dhaqaale ee GMDQ ka helo hay'adaha caalamiga ah.

Shirkan oo ay soo qaban qaabiyeen xafiska heer gobol ee Qaramada Midoobay u qaabilسان بارناامييادا هورومارinta ee UNDP, ayaa waxaa sidoo kale lagu soo badhigay dodo khibrad wadaag ah oo la xiriira sida Guddiyada Doorashooyinka iyo hay'adaha tageera ay iskaga kaashan karaan in la abuuro nidaam sahlaya in doorashooyinku qabsoomaan, iyadoo la ilaalinayo badqabka caafimaad ee dadweynaha ka qeyb-qaadanaya Doorashooyinka.

### Impact of covid-19 on electoral assistance

Thursday 9th July 2020  
1400 GMT



Khaled Abdel Shafi  
Regional Hub Manager  
Deputy Director A.I.  
UNDP Bureau for Arab States



Chairperson  
National Independent Electoral Commission - Somalia



Craig Jenness  
Director  
UN Electoral Assistance Division



Najia Hashemee  
Regional Electoral Policy Specialist  
UNDP  
Session Moderator

## GMDQ oo la kulmay 70 Xisbi siyaasadeed si looga doodo diyaar-garawga doorashooyinka

Isniin, 13 Luuliyo, 2020: xubno matalayey In ka badan Toddobaatan Xisbi oo si-ku-meel-gaar ah u diiwaan-gashan ayaa kulan xog-isweydaarsi ah kula yeeshay magaalada Muqdisho Guddiga Madaxabanaan ee Doorashooyinka Qaranka. Kulanka ayaa diiradda lagu saaray sidii Xisbiyada hadda jira ay u qaadan lahayeen Shahadada rasmiga ah, si ay u noqdaan xisbiyo rasmi ah.

Gudoomiyaha Guddiga Madaxa-bannaan ee Doorashooyinka Qaranka, Marwo, Xaliima Ismaaciil ayaa furtay kulanka iyadoo ku dheeratay hawlah Guddiga ee ku aaddan Xisbiyada sida-ku-meelgaarka ah u diiwaan-gashan. Gudoomiyeye Xaliima ayaa ka hadashay sida ay ugu dadaaleen in la helo Sharciga xisbiyada iyo shuruucda kale ee la xariirta doorashada. iyada oo sheegtay in hay'adaha ku shaqada leh aan marnaba looga harin sidii loo heli lahaa shuruucdaas.

Sidoo kale Guddoomiyeye Xaliima ayaa ka codsatay xisbiyada in ay dhankooda muujiyaan isku duubni ku aadan in dalkaanu uu ka baxo doorashooyinka dadban, iyadoo sidoo kale ka dhawaajisay in Soomaaliya 50 sano ka hor ay ka dhacday doorasho qof iyo cod ah iyadoo intaan ka qibrad yar.

Diwaan-geliyaha Xisbiyada Maxamed Cumar Axmed Haydara aya isagana la wadaagay Xisbiyadii ka soo qeyb-galay kulanka halka ay marayaan hawlah xafiska ee ku aaddan Xisbiyada dalka.

Ugu danbeyn Xisbiyada ka soo qeyb-galay kulanka ayaa su'aalo weydiiyay Guddiga Madaxa-bannaan ee Doorashooyinka Qaranka, iyadoo Komishineerada Guddigu ay ka jawaabeen su'aalihii la weydiyay.



GMDQ oo la kulmay 70 Xisbi siyaasadeed si looga doodo diyaar-garawga doorashooyinka

## Aqalka Sare oo ansixiyey xubin Cusub oo ka mid noqtay GMDQ

Arbaco, 5 Agoosto, 2020: Golaha Aqalka Sare ayaa maanta ansixiyay marwo Sacdiya Shuriye oo buux-isay booska Komisheernika ka banaanaaday Gudiga Madaxa-banaan ee Doorashooyinka Qaranka. Booskan waxaa iska casilay Komoshineer Maxamed Xasan Taani.

Komishineer Sacdiya ayaa waxaa hore u soo an-sixiyay Golaha wasiirrada iyo Golaha Shacabka Bar-lamaanka Jamhuuriyadda Federaalka Soomaaliya. Guddiga Madaxabanaan ee Doorashooyinka Qaranka ayaa ah hay'adda kaliya ee madaxa-banaan ee dowladeed ee ay Dumarka ka heleen 30% komishineerada ay ka koobantahah hay'addu.



Aqalka Sare oo ansixiyey xubin Cusub oo ka mid noqtay GMDQ

